



Pranuar / Dorezuar Punjevoj/Prudato Received/Deliverty	25. 11 2021	viti god year	
Organ /Njesia Organ /Jednica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKPMSTHEK	5683/2021		1/3



Republika e Kosovës
Republika Kosova-Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.867/2021

Këshilli i Pavarur Mbikëqyrës për Shërbimin Civil të Kosovës–Kolegji për shqyrtimin dhe vendosjen e ankesave i përbërë nga: Eshref Shabani-Kryetar, Malsore Gashi-Bajraktari dhe Arben Mehmeti– anëtarë, Avdyl Bektashi, Zyrtar i Lartë për Bashkëpunim Profesional, në cilësinë e procesmbajtëses, kanë shqyrtuar ankesën e ankuesit Amir Pllana të datës 14.10.2021 me numër A.Nr.867/2021, të parashtruar përmes Postës së Kosovës me datës 12.10.2021 nr.R18881832, me përfaqësuesin e autorizuar avokatit me adresë banimi rruga "UÇK", hyrja 68 Nr.1, në Komunë të Prishtinës, kundër organit të punësimit Komuna e Fushë Kosovës, në çështjen juridike "kompensim material", duke vepruar në pajtim me nenin 6 paragrafin 1.1 nën paragrafin 1.1, nenin 16 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregullores Nr. 02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës /në seancën për këshillim dhe votim me datë 24.11.2021, mori këtë;

V E N D I M

Këshilli i Pavarur Mbikëqyrës për Shërbimin Civil të Kosovës, **shpallet jo kompetent** për të vendosur lidhur me ankesën A.nr.867/2021 të datës 14.10.2021 të parashtruar nga ankuesi

A r s y e t i m

Ankuesi i punësuar në Komunë të Fushë Kosovës në pozitë Drejtor i SHML" Hivzi Sylejmani", më datë 17.09.2021 ka parashtruar kërkesë tek Komuna e Fushë Kosovës respektivisht Drejtoria e Arsimit për shpërblim jubilar, shujtave dhe udhëtimit sipas Kontratës Kolektive të Arsimit në Kosovë. Komuna e Fushë Kosovës, në bazë të Aktvendimin Nr. 572 të datës 21.09.2021 ka refuzuar kërkesën e ankuesit duke e udhëzuar që kundër këtij aktvendimi mund të ushtroj ankesë ne gjykatën kompetente.

Ankuesi me datë 12.10.2021 përmes postës së Kosovës me numër postar R18881832, ka parashtruar ankesë për Këshillin e Pavarur Mbikëqyrës për Shërbimin Civil të Kosovës e cila me datë 14.10.2021

është pranuar në Këshillin e Pavarur Mbikëqyrës për Shërbimin Civil të Kosovës, me numër protokollit 5033/2021.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, më datë 20.10.2021 ka dërguar kërkesën për përgjigje në ankesë të ankuesve në Komunën e Fushë Kosovës; Komuna e Fushë Kosovës më datë 01.11.2021 ka dërguar përgjigjen në ankesë.

Kolegji për Shqyrtimin dhe Vendosijen e Ankesave administroj këto prova: Ankesën A.nr.867/2021 te datës 14.10.2021 me numër te protokollit 5033/2021, e parashtruar nga ankuesi për Këshillin e Pavarur Mbikëqyrës për Shërbimin Civil të Kosovës; Akt emërimi datës 22.02.2018 nr.121; Vërtetim i datës 02.07.2021 me numër 220/21; Vendim lëshuar nga operatori transportues "Leci Reisin"; Vërtetim NR.60/4 i datës 10.02.2020; Akt vendim i datës 21.09.2021 nr.572; Pliko/zarf postare e datës 12.10.2021; Autorizimin e datës 10.02.2020; Formularin për kërkesë apo ankesë i datës 12.03.2020; Kërkesën e datës 10.03.2020; Kërkesën për përgjigje në ankesë e datës 20.10.2021; Përgjigjen në ankesë e datës 01.11.2021; Kërkesën e datës 14.09.2021 e ankuesit për Drejtori e Arsimit të Komunës së Fushë Kosovës; Padi e datës 23.04.2020; Listën e pagave shkurt 2021; E-mailin e datës 12.10.2021; Aktvendim C.nr.1447/20 i Gjykatës Themelore në Prishtinë-Departamenti i Përgjithshëm, Divizioni Civil;

Kolegji për shqyrtimin dhe vendosjen e ankesave, pas shqyrtimit të shkresave të lëndës konstatoje se Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur për ankesën e parashtruar nga **sepse:**

Kolegji për shqyrtimin dhe vendosjen e ankesave, bazuar në dispozitat e paragrafit 4 të nenit 2 të Ligjit Nr. 06/L-114 për Zyrtarët Publikë, zyrtarët publikë të punësuar në administratën shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës... kanë statusin e nëpunësit të shërbimit publik, ku përcaktohet se: ***"Nëpunësi i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike"***, në këtë rast ankuesi mban pozitën Drejtor në SHML "Hivzi Sylejmani", në Komunë të Fushë Kosovës e cila pozitë është pjesë e sistemit arsimor në komunën respektive, rrjedhimisht pozitat e ankuesit në bazë të Ligjit Nr. 06/L-114 për Zyrtarët Publikë hyjnë në kategorinë e nëpunësve të shërbimit publik.

Ndërlidhur me këtë pjesa V e Ligjit Nr. 06/L-114 për Zyrtarët Publikë, ka trajtuar në mënyrë të detajuar marrëdhënien e punës së nëpunësve të shërbimit publik, ku neni 67 paragrafi 6 i këtij ligji, ka bërë kategorizimin e nëpunësve të shërbimit publik si: ***"Nëpunësit e shërbimit kategorizohen në personelin drejtues, në personelin profesional dhe në personelin e brendshëm të shërbimeve të përbashkëta"***, kështu që meqë pozitat e ankuesit është pozitë e nëpunësit të shërbimit publik, Kolegji për shqyrtimin dhe



vendosjen e ankesave, konstaton se e drejta e ankimit për nëpunësit e shërbimit publik është rregulluar me dispozitat e nenit 24 paragrafit 4 të Ligjit Nr. 06/L-114 për Zyrtarët Publikë, i cili përcakton se: **“Nëpunësi i Shërbimit Publik dhe nëpunësi administrativ dhe mbështetës kanë të drejtë të ankohen sipas këtij ligji te punëdhënësi dhe më pas mund të fillojë kontest administrativ në gjykatën kompetente”** dhe nenit 74 paragrafit 1 të këtij ligj, i cili përcakton: **“Zyrtari i shërbimit publik mund të ankohet te punëdhënësi kur pretendon se i janë shkelur të drejtat në marrëdhënien e punës”**, ndërsa nëse pala është e pakënaqur me vendimin e organit të punësimit mund të iniciojë kontest pune në gjykatën kompetente siç parashihet me nenin 74 paragrafin 5 të Ligjit Nr. 06/L-114 për Zyrtarët Publikë.

Andaj, duke ju referuar dispozitave të nenit 6 paragrafit 1 nën paragrafit 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, Këshilli i Pavarur Mbikëqyrës për Shërbimin Civil i Kosovës, nuk është kompetent për vendosur për ankesën e parashtruar nga ankuesi, sepse Këshilli shqyrton dhe merr vendime për ankesat e nëpunësve civil dhe kandidatëve për pranim në shërbimin civil.

Duke marr parasysh të gjitha shkresat e lëndës dhe provat e bashkëngjitura në lëndë, Kolegji për shqyrtimin e ankesave, bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në gjykatën kompetente, Gjykatën Themelore në Prishtinë/ Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda A.nr. 867/2021

Avdyll BEKTESHI

Procesmbajtës

Eshref SHABANI

Kryetar i Kolegjit

Vendimi i dërgohet:

- Përfaqësuesit të autorizuar Avokatit
- Kryetarit të Komunës së Fushë Kosovës
- Udhëheqësit të Personelit në Komunën e Fushë Kosovës dhe;
- Arkivit të KPMSHCK-së;